

Locus affectus, seu Subjectum proximum delirij melancholici est cerebrum; sed per consensum.

*χρόλιεν.*

Vulgaris ac notâ, usq; trita in Medicorum scholis est differentia morborum ac affectuum corporis nostri, in eos, qui sunt per idiomâthes seu essentiam, ac primarium partis affectum; & eos, qui per synapsidem, seu consensum partis alterius producuntur. Quorum priores sunt. Quando in ipsâ parte affectâ causa hæret morbum generans. Posteriores verò, quando aliunde communicatur: *Senn. l. 2. Inst. p. i. c. ii.* Quod cum in melancholiciis morbis ac affectibus eodem modo fiat; meritò sub ijsdem comprehenduntur differentiis. Constituentur verò distinctionis hujus ratione, melancholici delirij communiter quatuor classes. Quarum PRINAM is dat affectus; qui accedit, ipsius cerebri ac Spirituum animalium vitio primario; dum nimis illi, naturali suâ constitutione amissâ, melancholicam induerunt dispositionem. RELIQUÆ tres per consensum quidem sunt omnes; ratione tamen loci seu regionis corporis ac partis, à quibus causa suppeditatur, ita à *Senn.* & aliis distingvuntur. Ut earum prima à CORDE AC TOTTO, universoq; venoso ac arterioso genere ortum habeat. Secunda HYPOCHONDRIACA de quâ in præsenti agimus, sit. Tertia præcipue mulieribus UTERI vitio accidat. Quas verò præter has, *Senn.* apposuit Species: ut amorem insanum; melancholiā errabundam, & attonitam etiam, omnes ad prædictas jam, reduci possunt. *Horat. Augen.* verò in *consult. & epist. medic. l. 2.* Specialem à se in pueri quodam obseruatam refert, qui ex intervallis quibusdam singulo quoq; anno, ferè circa Lunæ coitum ex palmâ utriusq; pedis senserit moveri statum frigidissimum ascendentem, usq; ad cerebrum, ex quo illic delirare cœperit. CEREBRUM itaq; cum hujus affectus primarium sit subjectum, per consensum lassum, & functiones ejus depravari facile colligi potest. Intellctus verò quanquam, ad edendas suas operationes, organo corporeo non indiget; sed phantasie ministerio objecta sibi offrenti, solum utatur: phantasie verò sedes, consensu omnium phy-

B. 3.

sicorum

ad